

því hann situr eftir við upphafning mína  
með erfiðið mitt og með skömmina sína.“

„Í sjö-hundruð baugana lagði eg list,  
en lífinu kom í þann síðasta fyrist.—  
Því leikfang er Hnituður, glæsing og gaman,  
úr glundroðans litbrigðum slétt kræktur saman.

En hver, sem á Draupni, fær háfleygi af honum  
og hugsanir vaxnar og nýjar í vonum.“

„Eg sló í hann alt sem eg hugsaði hátt,  
úr hjartanu bæring og æðanna slátt.—  
Og fyrir það ljómar af listinni hlýrra,  
og lýsigull hans er því kostugra og skírra.

Og þau eru ei hálfverð 'ans hundruð á þræði,  
því hann varð að skáldskap, en þau urðu kvæði.“

*Stephan G. Stephansson.*



## “FORN HLUTTEKNING”.

Eftir

A. Kampmeier.



TÍMARITINU „Christian Register“, sem gefið er út í Boston, 11. Marz s. l., er merkileg grein með þessari fyrirsögn, eftir þýzkan guðfræðing, A. Kampmeier. Greinarhöfundurinn minnist á, hve það er komið upp í fastann vana, svo einn hefir það eftir öðrum, að eigna kristninni alla mannúð og þjálpsemi í heiminum, og þakka henni alla